



KETUA SETIAUSAHA
SECRETARY GENERAL
Kementerian Pengajian Tinggi
Ministry Of Higher Education
Aras 17, No.2, Menara 2
Jalan P5/6, Presint 5
62200 PUTRAJAYA
MALAYSIA

Tel : 03 - 8870 5051
Faks : 03 - 8870 6806
Laman Web : www.mohe.gov.my

Ruj. Kami : KPT.100-15/2/2 (12)
Tarikh : 24 September 2021

SENARAI EDARAN SEPERTI DI LAMPIRAN I

YBhg. Tan Sri Dato' Prof./ Dato' Sri/Lt Jen. Dato'/Datuk Prof. /Dato' Prof./ Dr./Tuan/Puan,

PENGGUNAAN DAN PEMAKAIAN KOD PENDIDIKAN NASIONAL (NATIONAL EDUCATION CODE-2020) (NEC-2020) SEBAGAI RUJUKAN TUNGGAL KOD BIDANG PENDIDIKAN DAN LATIHAN MALAYSIA

Dengan segala hormatnya, izinkan saya menjemput perhatian YBhg. Tan Sri Dato' Prof./ Dato' Sri/ Lt Jen Dato'/Datuk Prof. /Dato' Prof./ Dr./Tuan/Puan kepada perkara di atas.

2. Untuk makluman, Kementerian Pengajian Tinggi (KPT) telah membangunkan Kod Pendidikan Nasional (*National Education Code-2020*) (NEC-2020) berpandukan kepada *International Standard Classification of Education (ISCED-F) 2013* yang dikeluarkan oleh *United Nations Educational, Scientific and Cultural Organization (UNESCO)* namun disesuaikan dengan program dan latihan yang terdapat di negara ini. NEC-2020 ini akan menggantikan Kod Pendidikan Nasional sedia ada yang digunakan dari tahun 2010 sehingga kini.

3. Pembangunan NEC-2020 ini telah dilaksanakan oleh KPT dengan kerjasama Agensi Kelayakan Malaysia (MQA), Badan Profesional, Majlis Dekan IPTA, universiti awam, wakil daripada Institusi Pendidikan Tinggi Swasta (IPTS) terpilih, Kementerian/agensi penyedia pendidikan dan latihan seperti Kementerian Pendidikan Malaysia (KPM), Kementerian Sumber Manusia (KSM), Kementerian Belia dan Sukan (KBS),

Kementerian Pembangunan Luar Bandar (KPLB), Kementerian Perumahan dan Kerajaan Tempatan (KPKT), Kementerian Dalam Negeri (KDN), Kementerian Kerja Raya (KKR), Kementerian Kewangan (MOF), Kementerian Pelancongan, Seni dan Budaya (MOTAC) dan Jabatan Kemajuan Islam Malaysia (JAKIM) melalui beberapa siri sesi libat urus yang dijalankan. NEC-2020 juga telah diluluskan di dalam mesyuarat *Inter-Agency Technical Committee (IATC)* yang dipengerusikan oleh Ketua Perangkawan Malaysia pada 26 Februari 2021. Seterusnya pada **7 Julai 2021** melalui **Memorandum Jemaah Menteri bernombor M331/2021**, KPT telah diberi mandat untuk mengeluarkan Kod Pendidikan Nasional yang dikenali sebagai ***National Education Code-2020 (NEC-2020)*** yang akan digunakan sebagai rujukan tunggal bagi kod bidang pendidikan dan latihan oleh semua institusi pendidikan dan latihan di Malaysia.

4. Selaras dengan mandat yang diberikan, **semua institusi pendidikan dan latihan, kementerian serta agensi yang menawarkan pendidikan dan latihan perlu menggunakan pakai NEC-2020 berkuatkuasa 1 Januari 2022.** Semua institusi perlu melaksanakan pindaan di dalam pangkalan data sistem masing-masing bagi membolehkan pemetaan data atau pewujudan medan data baharu program pengajian untuk NEC-2020. Penerbitan dan jadual NEC-2020 juga dimuat naik di laman web KPT dan boleh dimuat turun sebagai rujukan dan panduan melalui pautan seperti berikut <https://www.mohe.gov.my/muat-turun/penerbitan-jurnal-dan-laporan>.

5. Untuk makluman juga, pihak KPT akan mengadakan **sesi jerayawara** kepada semua institusi pendidikan dan latihan, kementerian serta agensi yang menawarkan pendidikan dan latihan yang dijangka akan dilaksanakan pada bulan Oktober sehingga November tahun 2021 bagi memberi penerangan terperinci berhubung penggunaan NEC-2020.

6. Kerjasama dan perhatian YBhg. Tan Sri Dato' Prof./ Dato' Sri/Lt Jen Dato'/Datuk Prof. /Dato' Prof./Dr./Tuan/Puan berhubung penggunaan dan pemakaian NEC-2020 sebagai rujukan tunggal kod bidang pendidikan dan latihan Malaysia amatlah dihargai.

Sekian, terima kasih.

"WAWASAN KEMAKMURAN BERSAMA 2030"

"BERKHIDMAT UNTUK NEGARA"

Salam Hormat .

Saya yang menjalankan amanah,

(DATUK SERI DR. MAZLAN BIN YUSOFF)

Ketua Setiausaha

Kementerian Pengajian Tinggi

s.k:

1. Timbalan Ketua Setiausaha (Dasar)
2. Ketua Pengarah Pendidikan Tinggi
3. Ketua Pengarah Jabatan Pendidikan Politeknik dan Kolej Komuniti
4. Ketua Pegawai Eksekutif, Agensi Kelayakan Malaysia (MQA)